



**Ecclesiasticae Historiae, Et Dicta, Inprimis Memorabilia,
Christi, Apostolorum, Martyrum, Confessorum, Doctorum,
& hostium veteris Ecclesie: singulari iudicio, & pio studio,
ex Eusebio Cæsariensi ...**

Eusebius <Caesariensis>

Haer. Chr. Egen., 1571

VD16 E 4284

25. Idem Interrogatvs quod nomen habeat Deus, Respondit:

[urn:nbn:de:hbz:466:1-69335](https://nbn-resolving.de/urn:nbn:de:hbz:466:1-69335)

- 1, Terrorem expellit tristem dilectio patris,
 2, Non dolor ullus ibi est, Christi ubi vera fides.
 3, Omnia dura Dei perfert dilectio vera,
 4, Inq[ui] malis sperat, ælica regna fides.

24. ATTALVS, CVM IN SELLA
 ferrea, prunis subteriectis, torreretur,
 voce magna ita ad plebem
 exclamauit:

Ecce hoc est homines comedere, quod
 vos facitis: quid à nobis velut occul-
 tum facinus exquiritis, quod vos aper-
 ta luce committitis? Nos enim neq[ue] comedi-
 mus homines, neq[ue] quid mali egimus. Euseb.
 lib. 5. cap. 3.

Quis voret humanas, cōstat, cum sanguine carnes,
 Ad populum in prunis Attalus vstus ait.
 Quid velut occultum ex nobis inquiris & igne,
 In claro facinus quod facis ipse die?
 Non hominum carnes crudeles edimus vnquam,
 Egimus & sceleris nil, pia turba, mali.
 Humanas laniant carnes comedunt q[ui] feroce,
 Corpora qui exurunt excruciant q[ui] pia.

25. IDEM INTERROGATVS
 quod nomen habeat Deus, Re-
 spondit:

Qui

Qui plures sunt, nominibus discernuntur, qui vñus est, non indiget nomine.

*Quod Deus occultus nomen, quæ situs, haberet
Attalus, hæc retulit verba notanda pijs:
Qui numero existunt plures, hi nomine distant,
Qui Deus est vñus, nomine quippe caret.*

26. EVSEBIUS IBIDEM.

Maior inest virtus cruciatis, quam cruentibus.

*Hæc de Martyribus sanctis Decioꝝ tyranno,
Eusebius docto protulit ore pius:
Maior inest virtus cruciatis, gloria maior,
Quam trepidis, alios qui cruciare solent.
Sic ouat in prunus martyr Laurentius vñsus,
Inter ouans Stephanus verbera dura fuit.
Ast Decium torquet mentis formido malignæ,
Et cæco quatitur verbere saua cohors.*

EX EODEM CAPITE 4. LO-
quens de Irenæo Presbytero.

Scimus quod solus officij gradus non facit aliquem iustum, sed vita meritum.

*Non gradus officij reddit, non gloria, iustum,
Sed meritum vita, iustitiaꝝ decus.*